

訶薩於中便出生薩云若耶報言如所問無有異何以故諸法無所出亦無所生舍利弗又問何以故諸法無有生無有出須菩提報言五陰空亦不見其出亦不見其生般若波羅蜜佛十八法真際亦不見其出亦不見其生舍利弗菩薩摩訶薩作是學般若波羅蜜

以漸近薩云若已漸近薩云若便得身意相淨已得身意相淨便無婬怒癡意強梁貪意不復生意終無六十二見事終不於母人腹中生常得化生從一佛國至一佛國育養眾生普淨佛國土至成阿耨多羅三藐三菩提終不離諸佛世尊舍利弗菩薩摩訶薩行般若波羅蜜當作是學當作是行

放光般若波羅蜜卷第三

菜三

放光般若波羅蜜經卷第四

菜四

西晉三藏無羅叉共竺叔蘭譯

空行品第十二

須菩提白佛言菩薩摩訶薩行般若波羅蜜無有漚和拘舍羅於五陰為行想若念五陰有常為行想念五陰無常為行想念五陰苦言五陰是我所是為行想念五陰寂靜為行想世尊菩薩摩訶薩不以漚和拘舍羅行般若波羅蜜學三十七品佛十八法亦復為行想世尊若菩薩行般若波羅蜜自念言我行般若波羅蜜設欲有所得是亦為行想若菩薩念言有作是學者為學般若波羅蜜是亦為行想作是學者當知菩薩未有漚和拘舍羅故須菩提語舍利弗言菩薩作是學般若波羅蜜為住色為分別色坐分別色便作行色求已作是行不得離生老病死苦菩薩復不以漚和拘舍羅行般若波羅蜜處於眼耳鼻舌身意分別六情復分別十八性復住於

三十七品及佛十八法各分別計校作色求亦復不能脫生老病死苦是菩薩尚不能達聲聞辟支佛地證况欲得阿耨多羅三耶三菩是事不然以是故當知菩薩行般若波羅蜜無漚和拘舍羅舍利弗問須菩提當云何知菩薩行般若波羅蜜而是漚和拘舍羅須菩提報言菩薩摩訶薩行般若波羅蜜於色痛想行識不作想行亦不言五陰有常無常於五陰亦不作苦樂行亦不作是我所非我所行於五陰不作空無相無願行於五陰亦不作寂靜行以是故舍利弗以五陰空為非五陰五陰不離空空不離五陰五陰則是空空則是五陰六波羅蜜三十七品及佛十八法皆空假令空者亦不離十八法十八法亦不離空菩薩如是行般若波羅蜜則為是漚和拘舍羅菩薩作是行般若波羅蜜便成阿耨多羅三耶三菩行般若波羅蜜亦不見般若波羅蜜亦不見行者亦不見不行者舍利

弗問須菩提菩薩摩訶薩何以故行般若波羅蜜亦不見般若波羅蜜須菩提報言以般若波羅蜜狀貌本實不可得見故何以故所有者無所有故是故行般若波羅蜜無所見所以者何菩薩悉知諸法所有無所有有三昧名於諸法無所生是諸菩薩摩訶薩無量茶 放光四無限廣大之用非聲聞辟支佛所知菩薩摩訶薩不離是三昧便疾得阿耨多羅三耶三菩舍利弗問須菩提但是三昧使菩薩疾成阿耨多羅三耶三菩耶頗復有餘三昧須菩提報言亦復有餘三昧今菩薩疾成得佛舍利弗問言何者是須菩提言有三昧名首楞嚴菩薩行是三昧亦疾得佛復有寶印三昧師子遊步三昧月三昧作月幢三昧諸法印三昧照頂三昧真法性三昧必造幢三昧金剛三昧諸法所入印三昧三昧王所入三昧王印三昧力進三昧寶器三昧必入辯才三昧如是等三昧菩薩摩訶薩悉學已便疾得

佛舍利弗復有無央數不可計三昧菩薩所  
應學亦復令菩薩疾得佛須菩提承佛威神  
言若有菩薩摩訶薩行是三昧者已為過去  
佛所授決已今現在諸佛亦授其決已亦不  
見三昧亦不念三昧亦不貢高念言我得是  
三昧亦不念言我住是三昧都無三昧想舍

利弗問須菩提言諸有住是三昧者為已從  
過去諸佛授記已耶須菩提言不也舍利弗  
何以故般若波羅蜜及三昧菩薩無有異菩  
薩則是三昧三昧則是菩薩般若波羅蜜亦  
尔等無有異而善男子不知諸法等三昧何  
以故不知菩薩以不見是三昧是故不知於

菜

放光四

三

是世尊讚歎須菩提言善哉善哉如我所歎  
譽汝於諸空寂行者第一菩薩摩訶薩當作  
是學六波羅蜜及三十七品及佛十八法舍  
利弗白佛言菩薩摩訶薩當作是學般若波  
羅蜜耶佛言當作是學六波羅蜜三十七品  
及佛十八法亦不想有所得有所見舍利弗

白佛言何等為無所得無所見世尊報言吾  
我及衆生不可得見以內外空故五陰十八  
性十二衰不可得不可見本淨故十二因緣  
不可見常淨故苦集盡道不可見常淨故不  
可見欲性形性無形性不可得見三十七品  
佛十八法常淨故不可得見六波羅蜜從須

陀洹乃至佛常淨故不可見舍利弗白佛言  
何等為淨世尊報言不生不有不可見無所  
為是為淨舍利弗白佛言菩薩摩訶薩作是  
學為學何法世尊報言菩薩作是學於諸法  
無所學何以故法不尔如凡人所入舍利弗  
白佛言法云何世尊佛報言法之所有如無  
所有作是有故言無所有舍利弗白佛言何  
等為無所有而有世尊報言五陰無所有內  
外所有無所有空故三十七品佛十八法無  
所有內外所有無所有空故九夫愚人隨癡  
入愛於中作癡行為兩際所得而不知不見  
法所不應者而為入於名色入於六入入於

三十七品及佛十八法雖入其中法所無者及更念亦復不知亦不見不知不見何等佛言不知五陰不見五陰不見三十七品佛十八法以是故墮於凡夫愚人之數而不出於貪不出於欲形無形界不出於聲聞辟支佛法不出而復不信不信何等不信五陰空不

信三十七品佛十八法空亦復不住於何所不住不住於六波羅蜜不住於阿惟越致地乃至佛十八法不住以是故謂為凡夫愚人便入於眼耳鼻舌身意入於五陰六衰入於十八性入於婬怒癡入於諸見入於三十七品佛十八法入於道舍利弗白佛言世尊菩薩作是學為不學般若波羅蜜不成薩云若慧耶佛言如是學為不學般若波羅蜜不出生薩云若舍利弗白佛言何以故菩薩不學般若波羅蜜不成薩云若慧佛言以菩薩摩訶薩無滙和拘舍羅以想念入六波羅蜜及三十七品佛十八法以想念入薩云若以是

故菩薩摩訶薩不學般若波羅蜜不生薩云若慧舍利弗白佛言菩薩當云何學般若波羅蜜而今菩薩成薩云若慧佛言菩薩行般若波羅蜜不見般若波羅蜜是為菩薩摩訶薩行般若波羅蜜者學如成薩云若慧如應無所見無所得舍利弗白佛言何等為無所得無所見佛言不見一切法空故

放光般若波羅蜜經問幻品第十三

須菩提白佛言世尊若人問言幻人布施持戒精進忍辱一心智慧學三十七品佛十八法學薩云若當成薩云若不乎我等當云何報佛告須菩提我自還問汝隨須菩提意報

我於須菩提意云何五陰與幻有異無眼耳鼻舌身意色聲香味細滑法十八性與幻有異不須菩提對曰無有異世尊佛言三十七品佛十八法空無相無願及道與幻有異不須菩提答曰無有異世尊五陰則是幻幻則是五陰十二衰及十八性皆是幻三十七品

兼

放光四

四

十

兼

放光四

五

十

及佛十八法亦是幻幻則十八法佛告須菩提  
提幻人頗有著有縛有生有死不對曰無於  
須菩提意云何幻人亦不生亦不滅學般若  
波羅蜜當成薩云若不須菩提白佛言不能  
得於須菩提意云何著字名合法五陰數字  
為菩薩不對曰如是如是世尊著字五陰生

滅可得見不須菩提對曰不可得見亦無起  
亦無滅亦無字亦無身行亦無意行亦無著  
亦無縛學般若波羅蜜寧成薩云若不須菩  
提對曰不能成佛言菩薩學般若波羅蜜應  
無所得須菩提白佛言菩薩如是學般若波  
羅蜜及阿耨多羅三耶三菩為如幻人學耶

所以者何當知五陰如幻人於須菩提意云  
何五陰為學般若波羅蜜當成薩云若不須  
菩提白佛言不也世尊何以故五陰所有無  
所有無所有者亦不可得見於須菩提意云  
何五陰如夢如響如影如熱時炎如化當學  
般若波羅蜜耶對曰非也何以故五陰六衰

如夢如幻無所有不可得見須菩提白佛言  
新發大乘意菩薩聞作是說般若波羅蜜將  
無恐怖佛言新學大乘菩薩未得般若波羅  
蜜漚和拘舍羅不與善知識相隨或恐或怖  
須菩提白佛言菩薩當行何等漚和拘舍羅  
令菩薩不恐不怖世尊佛告言菩薩行般若

波羅蜜應薩云若行觀五陰無常亦不倚五  
陰是為菩薩行般若波羅蜜漚和拘舍羅復  
次須菩提菩薩意應薩云若行觀五陰苦空  
非我觀五陰空無相無願觀五陰寂靜應無  
所得無所倚是為菩薩行般若波羅蜜漚和  
拘舍羅菩薩當作念言我當為一切眾生說

無常苦空非我為說空無相無願寂靜之法  
應無所得無所倚是為菩薩檀波羅蜜復次  
須菩提菩薩亦不以羅漢辟支佛意觀五陰  
無常苦空非我亦不以羅漢辟支佛意觀空  
無相無願寂靜是為菩薩不越戒以是故菩  
薩不恐不怖菩薩盡能奉行能忍是為菩薩  
六

業

放光四

六

行羣提波羅蜜復次須菩提菩薩意行應薩  
 云若觀五陰無常應無所見無所著不捨薩  
 云若意是為菩薩行惟遠波羅蜜菩薩適作  
 是行不起羅漢辟支佛意轉他惡意亦不得  
 生是為菩薩摩訶薩行禪波羅蜜不恐不怖  
 復次須菩提菩薩行般若波羅蜜當作是觀

言不以五陰空空則五陰六情十八性三十  
 七品亦復如是是故菩薩行般若波羅蜜不  
 恐不怖須菩提白佛言菩薩行般若波羅蜜  
 當與何等善知識相得聞說般若波羅蜜不  
 恐不怖佛報言菩薩說五陰無常若空無我  
 空無相無願寂靜而無所希望持是無所希

望之福不作羅漢辟支佛地行但求薩云若  
 是為菩薩善知識為說六情十八性寂靜而  
 無所希望持是功德不願聲聞辟支佛地是  
 為菩薩善知識復次須菩提菩薩念三十七  
 品佛十八法念薩云若念道以為一切說法  
 無所希望持無所希望福不為聲聞辟支佛

地但為薩云若是為菩薩善知識須菩提白  
 佛言何等為菩薩學般若波羅蜜無漚和拘  
 舍羅為惡知識聞說般若波羅蜜為恐怖世  
 尊報言菩薩離薩云若意猗般若波羅蜜而  
 自貢高行禪精進忍辱持戒行布施以猗檀  
 波羅蜜而自貢高復次須菩提菩薩離薩云

若

放光

七

若意念五陰內外空以空貢高有所猗念六  
 情空念十八性空以是為貢高念三十七品  
 及佛十八法空猗十八法而自貢高是為菩  
 薩不行般若波羅蜜無漚和拘舍羅聞說般  
 若波羅蜜為恐怖須菩提白佛言何等為菩  
 薩惡知識佛言教令遠離六波羅蜜語菩薩  
 言莫學是非佛所說但合會作是不足聽聞  
 不當受持不當諷誦讀亦不當教他人當知  
 是菩薩惡知識菩薩復有惡知識與說魔所  
 樂事魔波旬作佛形像往到菩薩所使菩薩  
 遠離六波羅蜜語菩薩言善男子用是六波  
 羅蜜為學當知是菩薩惡知識魔復作佛形

像往到菩薩所分別廣說聲聞所應行經但為說是魔事當知是菩薩惡知識魔復作佛形像往到菩薩所語菩薩言善男子汝亦無菩薩意亦非阿惟越致汝亦不能成阿耨多羅三耶三善假令不教菩薩令覺魔事者是菩薩惡知識魔波旬復作佛形像往到菩薩

所語菩薩言善男子眼耳鼻舌身意空六衰十八性皆空六波羅蜜三十七品佛十八法皆空用是阿耨多羅三耶三善學為有作是教者是為菩薩惡知識復次須菩提魔復作辟支佛形像往到菩薩所語菩薩言善男子十方皆空無有佛亦無有菩薩亦無有聲聞

而為菩薩說是輩魔事當知是則菩薩惡知識魔復作聲聞形像被服往到菩薩所斷菩薩云若意為說聲聞辟支佛行有作是教者則是菩薩惡知識魔復作菩薩師和上被服到菩薩所教令離菩薩行教令離薩云若三十七品及佛十八法持空無相無願法授

兼

放光四

菩薩汝當念是法受聲聞地證當用是阿耨多羅三耶三善學為是但魔事耳復次須菩提魔復作菩薩母形像來至菩薩所言子汝當受是須陀洹證習羅漢果證當用是阿耨多羅三耶三善為當受是無央數劫生死當受是截手截脚之痛向菩薩說是輩魔事是

則魔所作復次須菩提魔復作比丘被服至菩薩所語菩薩言眼耳鼻舌身意無常若空非我空無相無願寂靜為說三十七品佛十八法皆為說相著事當知是菩薩之惡知識覺已當急遠離之

放光般若波羅蜜經了本品第十四

須菩提白佛言菩薩号为菩薩其句義云何佛告須菩提菩薩句義無所有所以者何道者無有句義亦無吾我菩薩義者亦如是須菩提譬如鳥飛虛空無有足跡菩薩義者亦如是譬如夢幻熱時炎影如來所化無所有菩薩義者亦如是譬如法性及如真際亦無

所有辟如幻士五陰不可得不可見行般若波羅蜜菩薩摩訶薩其義亦如是辟如幻士行內外空亦無所有菩薩行般若波羅蜜其義亦如是須菩提辟如幻士行六波羅蜜三十七品及佛十八法無所有菩薩義者亦如是須菩提辟如佛五陰不可得何以故無有

五陰故菩薩行般若波羅蜜不見菩薩之句義須菩提辟如怛薩阿竭阿羅訶三耶三佛六情無所有菩薩行般若波羅蜜其義亦如是須菩提辟如佛行內外空其際不可得見行三十七品及佛十八法不可得見菩薩其義亦如是有為無為性亦無有義須菩提辟

如不生不滅無所有無作無著無斷其義亦無所有何等不生不滅不著不斷不有不作報言五陰不生不滅亦不著亦不斷亦不可見十八性六情六衰五陰無著三十七品佛十八法無著無斷義不可得行般若波羅蜜菩薩其義亦如是須菩提辟如三十七品佛

放光四  
九

十八法本淨無有義菩薩義者亦如是辟如吾我淨以吾我無有邊際故我人壽命淨不可得見衆生無邊際故菩薩行般若波羅蜜其義亦如是辟如日出時諸冥迹不復現菩薩義亦如是辟如天地劫盡火燒時世間諸所有皆燒盡其迹不可見菩薩行般若波羅

蜜其義亦如是須菩提辟如世尊戒具本時惡戒迹不復現得三昧亂意迹不復現得智慧無有愚癡迹得解脫不復見未解脫迹已見解脫慧不復見不解脫慧辟如佛光出時日月初利諸天王阿迦膩吒天光明不復現菩薩行般若波羅蜜其句義不可見何以故

道及菩薩菩薩義是亦不合亦不散無有形不可見無有對一相一相者則為非相須菩提菩薩於諸法當學無所著亦當覺知諸法須菩提白佛言何等為諸法何等為菩薩於諸法學無所著何等為菩薩覺知諸法佛告須菩提諸法者謂善法惡法記法未記法俗

法道法有漏法無漏法有為法無為法是為菩薩當於是諸法學無所著亦當學須菩提白佛言何等為世俗善法佛告須菩提善法者謂孝順父母供養沙門道人育養長老施諸福事約身守節精勤念善意崇方便修行十善有俗內想腐敗想青瘀想血想食不

消想亂想骨想半焦想四禪四等四無形禪想佛想法想比丘僧想戒想施想天想精勤想安般想身想死想須菩提是謂世間善法何等為世俗惡法殺盜媼惡口妄言綺語嫉妬邪見是為世俗惡法何等為記法若善法若不善法是為記法何等為未記法未有身

口意未有四大未有五陰十八性十二衰是為未記法何等為世俗法五陰十二衰十八性十善四禪四等四無形禪是謂世俗法何等為道法三十七品三解脫門三根三三昧解脫攝意八解脫門九次第禪十八空佛十力四無所畏佛十八法是為道法何等為漏

法五陰十二衰十八性十二因緣四禪四無形禪是為漏法何等為無漏法三十七品佛十八法是為無漏法何等為有為法欲界形界無形界三十七品乃至佛十八法是為有為法何等為無為法無為法者不生亦不滅不終亦不始常住而不改媼怒癡盡如無有異

法性及真際是謂無為法菩薩摩訶薩當於是空相之法無所著而不傾動覺諸法而不二須菩提白佛言何等為摩訶薩佛告須菩提於諸大衆必有上首是故名為摩訶薩須菩提白佛言當為何等衆生而作上首佛告須菩提大衆者謂須陀洹斯陀含阿那含阿

羅漢辟支佛初發意菩薩摩訶薩至阿惟越致地住者是為大衆之聚菩薩當於是中作上首於中當發金剛意便為上首須菩提白佛言世尊何等為金剛意佛告須菩提菩薩摩訶薩發意言我當受無央數生死作精進行我當為衆生故捨一切所有我當等心於

一切衆生我當以三乘度脫衆生當令般泥  
 洹亦不見衆生般泥洹我當覺諸法無所從  
 生常當以薩云若慧意行六波羅蜜我當學  
 當救濟一切須菩提是爲菩薩發金剛意便  
 爲大衆最上首菩薩復發意言我當爲泥犁  
 辟荔中罪人所受苦痛我當爲衆生代受無

央數劫苦痛盡令衆生於無餘泥洹而般泥  
 洹然後我自爲身作善本億百千劫乃成阿  
 耨多羅三耶三菩提是爲菩薩發金剛  
 意於大衆而爲上首菩薩當爲妙意以妙意  
 故於衆生爲上首從初發意已來亦不當生  
 婦怒癡意亦不當媵衆生亦不起聲聞辟支

佛意是爲菩薩摩訶薩妙意而爲大衆作上  
 首亦不念貢高菩薩當於薩云若意而不動  
 亦不貢高菩薩常當起護念於衆生亦不捨  
 衆生菩薩摩訶薩當爲法行當爲法樂何等  
 爲法樂隨其所知而誦誦受菩薩行般若波  
 羅蜜住於諸空爲大衆作導亦無所倚亦無

所得菩薩住於三十七品及佛十八法爲大  
 衆作上首無所倚而無所見菩薩行般若波  
 羅蜜住於行如金剛三昧乃至盡虛空際無  
 所染逮解脫三昧便爲大衆作上首而無所  
 得亦無所倚須菩提菩薩住於是法地故便  
 能爲衆生而作上首是故名爲摩訶薩

放光般若波羅蜜經摩訶薩品第十五

是時舍利弗白佛言我亦當復說所以爲摩  
 訶薩者何佛告舍利弗便說舍利弗言菩薩  
 於諸妄見悉斷是故名爲摩訶薩何謂諸見  
 妄見吾我見有人見及衆生見有斷見有常  
 見有見無見五陰見十八性見十二衰見有

諦見十二因緣見有三十七品佛十八法見  
 有育養衆生見有淨佛土見有道見有佛見  
 轉法輪見一切諸見悉斷作如是說法是故  
 名爲摩訶薩須菩提問舍利弗言菩薩摩訶  
 薩何以故有五陰十二衰十八性十二因緣  
 見何以故有三十七品佛十八法見及有諸

業

放光四

十三

妄見舍利弗對曰菩薩摩訶薩不以漚和拘舍羅行般若波羅蜜如務五陰六情十八性十二因緣猗六波羅蜜三十七品及佛十八法起諸見菩薩摩訶薩行般若波羅蜜漚和拘舍羅斷是諸見為人說法而無所猗須菩提白佛言我亦當說所以為摩訶薩者何佛

告須菩提樂說者便說須菩提言道意無有與等者非聲聞辟支佛所知何以故以薩云若意無漏故意亦不著是故為摩訶薩舍利弗問須菩提何等為菩薩意無有與等者諸羅漢辟支佛所不能及者須菩提報言菩薩摩訶薩從初發意以來不見法有生滅亦不

見有增減亦不見著亦不見斷舍利弗諸可不生不滅不增不減不著不斷者亦無羅漢辟支佛意亦無道意亦無佛意是為菩薩摩訶薩意無有與等者非羅漢辟支佛所能及知者舍利弗言如須菩提意不著羅漢辟支佛地五陰亦不著三十七品佛十八法亦不

著舍利弗語須菩提假令薩云若意無漏者九人意亦當無漏性空故羅漢辟支佛及諸佛世尊意亦當無漏須菩提言亦如所言舍利弗言五陰亦無漏其性本空故三十七品佛十八法亦復無漏性空故須菩提言如舍利弗所言舍利弗問須菩提言無意為不與

放光四

十二

意合耶無色痛想行識為不與識合耶須菩提言亦如所言舍利弗復問三十七品佛十八法與非十八法為不著不合耶須菩提報言有無之事皆合須菩提語舍利弗言菩薩摩訶薩作如是行般若波羅蜜不持道意及羅漢辟支佛所不能及知意亦不貢高而有

所猗於猗於法而無所入放光般若波羅蜜經問僧那品第十六是時邠耨文陀尼子白佛言世尊我當說所以為摩訶薩者佛言汝樂欲說者便說之邠耨言菩薩為大功德所纏絡乘於大乘以是故謂為摩訶薩舍利弗問邠耨言何等為菩

薩摩訶薩以大功德所纏絡而為摩訶薩那  
稱報言菩薩摩訶薩不為齊限於人故住檀  
波羅蜜而為布施普為一切衆生故行檀波  
羅蜜尸羴惟逮禪般若波羅蜜普為衆生故  
作謙苦行菩薩成僧那僧涅不限衆生亦不  
言我當限度若干人不能度餘人亦不言我  
當教若干人至道亦不言我不能教餘人菩  
薩為衆生故起大誓願言我自當具足六波  
羅蜜亦當教他人使具足六波羅蜜菩薩行  
檀波羅蜜所布施應薩云若意願言持是功  
德與一切衆生俱共得阿耨多羅三耶三菩  
舍利弗是為菩薩行般若波羅蜜而習布施  
復次舍利弗菩薩布施應薩云若不求羅漢  
辟支佛地是為菩薩行般若波羅蜜布施習  
於尸波羅蜜復次舍利弗菩薩布施時作薩  
云若念法所應行是為習羴波羅蜜如精進  
所應行是為惟逮波羅蜜一心布施應薩云  
若念終不起聲聞辟支佛意是為習禪波羅

蜜所可布施如幻想不見施者亦不見所施  
亦不見受者是為菩薩布施而習般若波羅  
蜜菩薩以薩云若意不想諸波羅蜜亦不倚  
舍利弗是故當知菩薩為僧那僧涅復次舍  
利弗菩薩摩訶薩行尸波羅蜜意應薩云若  
布施持布施功德與衆生共求阿耨多羅三  
耶三菩是為菩薩行尸波羅蜜而具檀波羅  
蜜復次舍利弗菩薩行尸波羅蜜盡能奉行能  
忍辱是為菩薩行尸波羅蜜具足羴波羅蜜  
復次舍利弗菩薩行尸波羅蜜具足惟逮波  
羅蜜是為菩薩習精進菩薩行尸波羅蜜不  
受羅漢辟支佛意菩薩行尸波羅蜜於諸波  
羅蜜如幻想不貢高亦無所倚舍利弗是為  
菩薩行尸波羅蜜如習般若波羅蜜是為菩  
薩行尸波羅蜜摠持諸波羅蜜是故名為僧  
那僧涅菩薩行羴波羅蜜應薩云若布施菩  
薩入無形禪亦不處其中是為菩薩行漚和  
拘舍羅而為般若波羅蜜復次舍利弗菩薩

兼

放光四

十四

行禪分別空無相無願是為菩薩行僧那僧  
涅而為般若波羅蜜以是故名為僧那僧涅  
舍利弗菩薩作是僧那僧涅者十方諸佛世  
尊皆以大音聲讚歎是菩薩言某國土菩薩  
具諸功德為僧那僧涅當育養衆生淨佛國  
土於是舍利弗問邠耨文陀尼子何等為菩

薩摩訶薩摩訶衍三拔致摩訶衍三拔致晉  
言發趣大乘云何為發趣大乘邠耨報言行  
六波羅蜜隨諸禪所應行盡奉行持求薩云  
若菩薩以薩云若意於八禪觀其無常觀其  
苦空非我無相無願是為菩薩行般若波羅  
蜜為摩訶衍菩薩念三十七品佛十八法是

為菩薩摩訶衍菩薩意不近羅漢辟支佛地  
志但崇薩云若是為菩薩行四等而為羸波  
羅蜜菩薩行薩云若意無懈時是為菩薩惟  
逮波羅蜜菩薩雖行四禪慈悲喜護八禪亦  
不能動搖菩薩所以者何以漚和拘舍羅故  
菩薩行四等為衆生消諸漏是為菩薩行四

等而為檀波羅蜜諸法所作禪不持求羅漢  
辟支佛何以故常求薩云若故是為菩薩行  
四等而不批尸波羅蜜菩薩復有摩訶衍於  
內外空其慧不轉無所猗無所得無所見是  
為菩薩摩訶衍復有摩訶衍不於諸法慧不  
在亂亦不在定慧亦不在有常亦不在無常

慧亦不在苦樂亦不在有我無我是為菩薩  
摩訶衍而應無所猗復有摩訶衍慧不在當  
來過去今現在慧亦不離三世是為摩訶衍  
應無所猗摩訶衍者慧不在三界亦不離三  
界復有摩訶衍慧不在俗法亦不在道法亦  
不在有為亦不在無為亦不在有漏亦不在  
無漏是為無所猗舍利弗是為菩薩摩訶薩  
摩訶衍

放光般若波羅蜜經摩訶衍第十七  
尔時舍利弗問邠耨文陀尼子言何等為菩  
薩摩訶薩乘於大乘邠耨報舍利弗言菩薩  
行般若波羅蜜乘於檀尸羸惟逮禪波羅蜜

乘是六波羅蜜不見六波羅蜜亦不猗菩薩而無所猗是為乘於大乘復次舍利弗菩薩摩訶薩一心學道云若具足三十七品佛十

八法雖念欲成不有所猗是為菩薩乘於大乘復次舍利弗菩薩作是念言菩薩者但是字耳五陰者但有字不猗五陰故六情者但有字耳不猗六情故三十七品者但有字耳不猗三十七品故內外空者但有字耳不猗內外空故佛十八法者但有字耳不猗佛十八法故如來法者但有字耳不見法性故真際但有字耳真際不可見故佛及道但有字耳不猗佛故是為菩薩摩訶薩乘於大乘復

次舍利弗菩薩摩訶薩從初發意以來故具足菩薩之神通具足已欲育養群生從一佛國遊至一佛國供養禮事諸佛世尊從諸佛聽受法教何謂法教報言菩薩大乘是菩薩乘是大乘遊諸佛刹淨佛國土育養眾生初無佛國想亦無眾生想亦不住二地菩薩為

眾生故隨其所應而變其形像不得一切智終不離菩薩乘速一切智已便能轉法輪非羅漢辟支佛及諸天龍闍義阿須倫及世間人所能轉是時聞十方恒邊沙諸佛世尊讚歎聲言某國某菩薩摩訶薩乘於大乘速薩云若轉於法輪舍利弗是為菩薩摩訶薩乘於大乘

放光般若波羅蜜經卷第四

菜四

鞞居旦薛荔上蒲閉反

平江府常熟錢涇奉佛顧靈發施財書經一卷并功德報畝見生父母養育深恩他報之中式嚴克備自身康健獲大吉祥者 淳祐癸卯良月吉日 謹題

都勸緣檀越趙成忠

放光般若波羅蜜經卷第五

菜五

西晉三藏無羅叉共竺叔蘭譯

僧那僧涅品第十八

卅方刊

尔時須菩提白佛言何等為菩薩摩訶薩僧那僧涅佛告須菩提六波羅蜜三十七品內外空及有無空佛十八法及一切智被諸功